



PRIREDNA KOMORA KANTONA SARAJEVO

Broj: 04/MK/EBK/ 7-84 /15
Sarajevo, 01.12.2015. godine

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA KANTONA SARAJEVO
N/r premijera, Elmedin Konaković**

PREDMET: Farmaceutskoj industriji dati status strateške industrije u Kantonu Sarajevo Inicijativa

Poštovani Premijeru, gospodine Konaković,

Privredna komora Kantona Sarajevo već duži vremenski period predlaže svim nivoima državnog organizovanja da se u strateškim dokumentima prioritet da razvoju proizvodnih djelatnosti koje, pored ostalog, generišu povećanje privrednih aktivnosti i rješavanje gorućeg problema u državi, a to je zapošljavanje. O tome smo Vas detaljnije upoznali u dokumentu »Mjere poslovnog sektora Kantona Sarajevo za rješavanje ključnih problema u privredi KS, FBiH i BiH«.

Nastavljajući ove aktivnosti, Komora je ovih dana zajedno sa svojim članovima razmatrala položaj farmaceutske industrije na domaćem tržištu, te na osnovu detaljne analize zaključila da ova grana industrije zaslužuje poseban tretman.

Stoga, ovim putem, iniciramo da se farmaceutskoj industriji dodijeli status strateške industrije u Sarajevskom kantonu.

O značaju i ulozi farmaceutske industrije u ukupnom razvoju svjedoče i podaci o tri kompanije, proizvođače lijekova sa područja Kantona Sarajevo koje trenutno zapošljavaju preko 1000 radnika. U 2014. godini ostvarili su prihod od 166 miliona KM, od čega je 80 miliona KM ostvareno na ino tržištima. U proteklih pet godina u kapitalne proizvodno-razvojne projekte su direktno investirali 102 miliona KM. Za isti period po osnovu poreza i doprinosa državi je uplaćeno 73 miliona KM. Broj kooperanata iz BiH je blizu 1000 domaćih kompanija iz raznih oblasti.

Uprkos ovim pokazateljima domaća farmaceutska industrija već godinama se suočava sa slabom podrškom države i činjenicom da se u ukupnom prometu lijekova u BiH zastupljenost domaćih kompanija kreće na niskom nivou od oko 17%.



71000 Sarajevo, La Benevolencija 8
Tel: (00 387 33) 250 100, 250 101, 250 196 Fax: (00 387 33) 250 137, 250 138
www.pksa.com.ba, info@pksa.com.ba

Po zvaničnim podacima Agencije za lijekove i medicinska sredstva BiH u 2014. godini promet lijekovima u BiH je ostvarilo 138 kompanija, od čega samo pet domicilnih. Nasuprot tome, učešće domaćih proizvođača u potrošnji lijekova koji se finansiraju na teret zavoda zdravstvenog osiguranja u zemljama okruženja iznosi preko 40%.

Poređenja radi, u susjednoj Hrvatskoj je farmaceutska industrija dobila status strateške, što tamošnjim proizvođačima donosi niz benefita koji se manifestiraju kroz investicijske olakšice, porezne poticaje za ulaganja u istraživanje i razvoj. Sinergijski efekt tih mjer značajno doprinosi stvaranju nove vrijednosti i dodatnom zapošljavanju naročito visokoobrazovanog kadra. Domaće farmaceutske kompanije konstantno bilježe porast broja zaposlenih. Udio broja zaposlenih sa visokom stručnom spremom iznosi i do 50%, te je kao takav suprotan tendenciji odlaska visokoobrazovanih stručnjaka van granica BiH.

Imajući u vidu sve ovo, a posebno izvoznu orijentiranost domaće farmaceutske industrije, kompanije s područja Kantona Sarajevo očekuju da kantonalna vlada prepozna strateški značaj iste i donese odgovarajuće poticajne mјere domaćim proizvođačima. To se svakako odnosi i na njihov adekvatan tretman u kontekstu prisutnosti na esencijalnoj listi lijekova Kantona Sarajevo čija revizija se očekuje odmah po donošenju nove Federalne liste esencijalnih lijekova.

Spremni smo da o ovim pitanjima nastavimo razgovor.

S poštovanjem,
Kemal Grebo
Predsjednik



The stamp is circular with the text "PRIVREDNI SEKTOR KANTONA SARAJEVO" around the perimeter and "1" in the center. There is also some smaller text inside the circle.